

Ralph Johnson novi Prvi zamjenik Visokog predstavnika

Ambasador Ralph R. Johnson danas je preuzeo svoje dužnosti kao novi Prvi zamjenik Visokog predstavnika u Sarajevu.

Prije ovog imenovanja, Ambasador Johnson je bio Ambasador SAD u Bratislavi, Slovačka, od 1996. god. Prije toga je bio Koordinator za pomoć Centralnoj i Istočnoj Evropi, zadužen za koordiniranje cjelokupne pomoći Sjedinjenih Američkih Država ovoj regiji, uključujući i oko 400 miliona dolara godišnje u skladu sa Aktom o podršci razvoju demokratije u Istočnoj Evropi (SEED).

Ambasador Johnson je u diplomatsku službu SAD stupio 1969. godine, te je bio na službi u inostranstvu, i to u Guyani (1969.-1971.), Poljskoj (1973.-1976.) i Boliviji (1977.-1979.). Nakon toga, obavljao je funkcije u Birou za ekonomske i privredne poslove (1979.-1983. i 1986.-1989.), uredu trgovinskog predstavnika SAD za biletaralne poslove, Japan i Istočnu i Zapadnu Evropu (1983.-1985.), te Birou za evropske i kanadske poslove (1985.-1986. i 1991.-1993.). U tom birou radio je direktno na nadgledanju utvrđivanja politike prema Istočnoj i Centralnoj Evropi i Balkanu, uključujući i bivšu Jugoslaviju.

Ambasador Johnson dobitnik je Predsjedničkog priznanja za zasluge 1989. i 1994., a 1987. dobio je Priznanje visokih počasti.

Ambasador Johnson je diplomirao na Univerzitetu u Seattleu (1963.) te magistrirao na Columbia Univerzitetu (1965.). Govori španski i poljski jezik. Oženjen je i ima dvoje djece.

Ambasador Johnson ovu dužnost preuzima od Ambasadora Jacques Paul Kleina, koga je Generalni sekretar Ujedinjenih nacija

imenovao za Specijalnog predstavnika Generalnog sekretara i Koordinatora za UN operacije u Bosni i Hercegovini.

U prilogu se nalazi biografija Ambasadora Johnsona.

RALPH R. JOHNSON

Prvi zamjenik Visokog predstavnika

Ralph R. Johnson je preuzeo dužnost Prvog zamjenika Visokog predstavnika u Sarajevu 20. jula 1999. godine.

Johnson je prethodno bio ambasador Sjedinjenih Američkih Država u Slovačkoj Republici. Svečanu zakletvu je položio 15. marta 1996. godine, a dužnost je preuzeo u Bratislavi 2. aprila 1996. godine.

Prije tog imenovanja, ambasador Johnson je bio Koordinator za pomoć Centralnoj i Istočnoj Evropi. Bio je nadležan za koordinaciju cjelokupne pomoći Sjedinjenih Američkih Država za ovu regiju, što je obuhvatalo i oko 400 miliona dolara godišnje prema Aktu o podršci razvoju demokratije u Istočnoj Evropi.

Ambasador Johnson je u periodu od jula 1991. do avgusta 1993. godine bio prvi zamjenik pomoćnika sekretara u Birou za evropske i kanadske poslove. Njegove nadležnosti su, pored pitanja rukovođenja Biroom, obuhvatale i vršenje funkcije zamjenika pomoćnika sekretara. Bio je direktno uključen u nadgledanje utvrđivanja politike prema Istočnoj i Centralnoj Evropi i Balkanu, uključujući i bivšu Jugoslaviju.

Ambasador Johnson je ranije vršio funkciju zamjenika pomoćnika sekretara u Birou za evropske i kanadske poslove, a bio je i zamjenik pomoćnika za ekonomska pitanja u istom Birou. Prije te dužnosti, bio je zamjenik pomoćnika sekretara za trgovinu i komercijalne poslove u Birou za ekonomske i privredne poslove (avgust 1986. godine – juni 1989. godine).

Nakon što je 1969. godine stupio u diplomatsku službu, ambasador Johnson je bio na službi u inostranstvu, i to u Guyani (1969-1971. godine), Poljskoj (1973-1976. godine), i Boliviji (1977-1979. godine).

Ambasador Johnson je u Washingtonu vršio više funkcija u Birou za ekonomske i privredne poslove (1979-1983. godine). Bio je na dužnosti zamjenika pomoćnika trgovinskog predstavnika Sjedinjenih Američkih Država za bilateralne poslove, Japan i Istočnu i Zapadnu Evropu u Uredu trgovinskog predstavnika Sjedinjenih Američkih Država (1983-1985. godine). U septembru 1985. godine vratio se u State Department, gdje je postao direktor Ureda za evropske regionalne političke i ekonomske poslove u okviru Biroa za evropske i kanadske poslove.

Ambasador Johnson je 1989. i 1994. godine dobio Predsjedničko priznanje za zasluge, a 1987. godine Priznanje visoke počasti.

Ambasador Johnson je diplomirao na Univerzitetu u Seattleu (1963. godine), a magistrirao na Univerzitetu Columbia (1965. godine). Govori španski i poljski. Oženjen je i ima dvoje djece.